

之始定。先是叛將遣人賁金帛出塞。爲邏者所獲。源清薄訊。具得振受擁立規畫城守狀。爲書召振至。訊之。振懼。仰藥死。明日兵至城東。亂兵開關迎戰。殺叅將曹安等。官軍斬關而入。城下死者可藉。是時卻永與遼東遊擊武鎰據南關。叅將段堂據東關。副總兵張鎮據北廠。三面攻城。城中脅故指揮馬昇、楊麟爲渠帥。時時自洞門出相攻。殺迄不可下。永議決水灌城。倣與鎮國將軍俊樞等六人諭止之。不聽。俊樞出見永。請緩兵。亦不聽。永因揚言大同欲奉一王子召塞外兵南襲金陵。以撼朝。